

Hää' noorõ' kõgõlt Vanalt-Võromaalt!

V võrokeeline laulu- ja rahvapido Uma Pido tulõ timahava 2. juunil Võro Kubijal.

Et pidopääväl kõik laapsalõ lässi, om vaia inne pito ja pidopääväl tetä huugsat tüüd ja kõrraldajit avita. Appi olõs vaia päid, kiä üten mõtõlnu, kibõhid näppe ja varbit, pikkä miilt, rõõmsat ja häätujolist väke. Ku Sullõ tundus, et iinpuul üles loet lätt kokko su mõttõ-ilmaga, pakk huvvi ja Sa tahat priitahtliguna üten lüvvä, sis anna' hindäst teedä'!

Pido kõrraldajidõ puult om asjalik juhõndamine ja võimalus olla üts osa miiskunnast, kõrralda ja üten märki. Ku tujo om hää, või seo ütenlüümine miilde jää' kõgõs elos. A kotussit olõ-i lõpolda, nii et Kõrraldajidõ toimkunda saava õnnõ kõgõ tublimba' ja kipõmba'. Tsipa või api olla' ka tuust, ku mõistat võro vai seto kiilt ☺ Kõgõ hõlpsamb om umast soovist teedä anda priitahtligõ tüü juhilõ Anu Koobile (kontakti': anu.koop@gmail.com, tel. 51 41 323) **inne 16. maid**. Pallõmi teedä' anda uma nimi, telefon ja meiliaadress.

Tüü', midä om vaia tetä' kas joba inne pito vai õkva pidopääväl. Võimalik, et mõni tüü satas är vai sünnüs hoobis mano, a märgitu om säänside asju pääle:

*** Ettevalmistustüü' varrampa:**

- Lipukettele lipukeisi klammerdamine
- Silte kirotaminõ
- Söögitalonge lõikminõ
- Koorikotte kokkosäädmine (Võro Instituudi kontorin)

*** Pidopääväl:**

- Tüü staabitelgin – teedüsse jagaminõ, koorikottõ kätteandminõ, T-hamidõ müük ja tellit hammidõ kättejagaminõ, kavavihikõ jagaminõ, lipukõisi müük jne.
- Miiskunna turgutus – kohvi ja vii jagaminõ, tarvidusõl söögi tuuminõ.
- Hääkõrra hoitminõ – prügü korjaminõ, prügükottõ vaihtamisõ tarvidusõst teedäandminõ.
- Asju hoitmisõ telk, bände var'oonõ – kõrra hoitminõ.
- Talongimiiskunna' – talonge vasta süvvä' andmisõ man talongõ kontroll, toidupakkõ jagaminõ
- Abi sissepääsemise värtide man - piletiide kontroll, käepailu kässi pääle pandminõ, kavavihkõ jagaminõ, kutsutuisi küläliisiga tegelemine.
- Lipukõisi müük rahva sian.
- Abi laadu pääl – hääkõrd, laadulava, tüütarõ'

Ku pido ligembäle jõud, saami ka silmäst-silmä kokko. Seenis and vajaminevät teedüst priitahtligõ juht Anu Koop.

Loodami, et lüüti kampa! Kokkosaamisõni!

20. märtsil 2018

Merike Tigas
Uma Pido kõrraldajidõ puult